

野史


二十

第五十五卷 武將列傳
 東照公下
 第五十六卷 武將列傳
 台徳公

和書門	類	號	函	架	冊
一〇三五六	二四	九	一〇〇		

内閣文庫	
番號	和 10356
冊數	100 (20)
函號	269 35

内閣文庫	和書
一〇三五六	類
一〇〇冊	
二六九函	
一五架	





共百
和三十百九十二號




飯田忠彦 修
男 文彦 訓點
竹中邦香 校

野史卷五十五

武將列傳第二十一

東照宮下

慶長六年正月。東照宮及世子台德公在大坂。御年譜、落
穗宮見權中納言秀賴於牙城。撫之如故。畿甸益帖
然。國史實錄、逸史二月。秀賴享宮及世子於千席院。實錄三月
二十三日。宮徙于伏見。修城功竣也。御年譜五月。安
南國都元帥瑞國公。上書及方物。外蕃通書、引、相、凡



凡以下二
十字似以
註混入本
文可考

野史 卷五十五

外蕃書信往復。各載其始。省其委悉。後皆倣于此。是
御年譜月。作九月。官命增加京城四外供御之田。及公卿百
僚之采邑。以田萬石給豐國廟。三千石。言行錄作附
坂本田。三千四百二十餘石于延曆寺。附坂以下。從
山門御朱印
記。係之二月。二萬石于高野山。遂定祠廟寺院之田。以加
藤正次。板倉勝重爲所司代。尋正次坐事免。勝重專
任焉。逸史。言行錄六月。命列侯移大津城於粟津。更
築予之戶田一西。御年譜八月。命修京師銅駝坊第
賦役西諸侯。又有內外堞濠樓櫓天主之設。世呼曰。
二條城。實錄定伊達。蒲生。上杉氏封邑。增最上義光。

堀秀治封。佗慶讓並有差。特舍佐竹氏。未問焉。命義
光。秀治。率南部。戶澤。本堂。村上。溝口等。伐會津諸城
拒命者。悉平之。御年譜本多正信請曰。景勝雖得宥。
而其老兼續罪亞石賊。願正典刑。以懲將來。官曰。否。
人各爲其主。向預賊謀者。奚翅兼續。今如戮之。列國
巨室。必多不自安者。且示陔於四方也。知其罪而宥
之。是與天下更始爾。未爲失刑。汝其體此意。正信俯
伏曰。江海之量。非愚臣所能測也。臣謹宣揚德意矣。
明恩如茲。海內孰不感戴。攬淚而出。逸史十月。賜復書
於安南瑞國公。及呂宋國耶巴難至昔高堤腰。外蕃
通書

往來引日記十一月五日。宮還江府。遂狩于忍。令世子居正衙。自徙西城。御年譜閏十一月。江府火。十二月。宮狩于岩槻。逸史初。宮假置奉行職。以揆度諸務。令本多正信。內藤清成爲之。於是以青山忠成副之。皆稱職。實錄逸史。東蒲塞入貢。舊章錄初。朝廷以宮既致泰平。欲有征夷之拜。屢諭其旨。而謙讓不敢當。至是一世皆異其晚。列侯羣臣交勸之。官曰。殊拜未爲晚矣。今四海新定。勞徠方急。且功臣諸侯多徙封者。庶事倥傯。士民未安集。即聞殊拜。則四海駭奔。其勞甚矣。朝旨雖切乎。佗年當揣宜而受耳。以一己之榮。遽役天

下。我不忍也。聞者感服。不能力請焉。逸史初。毛利氏有石見。上杉氏有佐渡。其山皆產白金。然其鼓鑄匪匱已。秀吉徙景勝封。自採於佐渡。亦不得要領。後予之景勝。迨削二氏封地。官使大久保長安領二國坑務。長安巧思絕人。殫力經紀。所出頗多。是歲石見得黃金。佐渡得黃白金。爾後更增額。無幾禁石見出。長安又兼伊豆坑務。逮慶長十一年。得黃白金。採與佐渡爭額。以爲宮龍攄之祥。無幾命禁伊豆出。舊章錄實畧。是歲命更造大小金及鈔銀粒銀等制。通事畧支那人馮六歸化。以善國言。始定通辭。與馬田昌入

卷五十五
三二

役之。碓陽實記、引七年正月六日。宮陞從一位。公卿補任、

御年譜、初諸侯請會同于江府。官固辭不許。於是前田

利長不待命而來。官不敢當。聞其期。遽西上。利長至。

見世子。獻遺甚盛。世子亦厚酌之。武家譜、二月十四

日。官至。伏見。利長亦繼至。御年譜、三月十四日。官如

大坂。明日還。伏見。御年譜、命建松應寺于岡碓。資成

烈公冥福也。逸史、五月朔。宮朝參。二日。觀皇太后。御年譜、

史。六月。奏請。剪東大寺黃熟香。十一日。令本多正純

往。天使右大辨藤原光豐。右中辨藤原總光蒞焉。落穗

集、實錄、○御年譜作光豐、長碓府白。交趾商舶至。貢

總光、及右少辨藤原業光、

虎象孔雀等。官命卻虎。納其他物。逸史、長碓之起也。元

龜庚午年。南蠻黑船漂著長碓外西浦。福田。交易方

物。望深江湊。而謂是實萬國之最湊也。我自明年必

到于此矣。相約而去。辛未年三月。大村領主令家人

友長某為檢吏。割地定境。遷高來。大村。平戶等商賈

于此地。是夏。理媽港黑船兩三艘。載貨物來。爾後連

年。蠻舶來往不絕。遂為一大湊。云。長碓夜話、

○長碓實記云。長碓在肥前彼杵郡。本曰深江浦。

又曰。瓊杵田津。深津江。又曰。玉浦。夷人呼曰。瓊浦。

中古長碓小太郎。戶町藤次郎。千綿太郎。時津。浦

時津下脫人名

上小太夫等。避兵亂。流落居此地。能撫綏土民。自如領主。農夫漁樵。舉稱曰長碕。遂成地名云。小太郎十世孫左馬助無子。養有馬直純子爲嗣。是爲左馬介。今按有馬家譜。肥前守貴純子康純。繼長碕氏。稱左馬介。其子甚左衛門。今按有馬家譜。景。天文中。背大將軍義輝命。去長碕。淪落筑後。大村氏代領此地。元龜元年。南蠻船始到長碕。交貿。請後來定長碕爲渡津。大村理專管之。明年三月。理專遣其人友永對馬。打量定街衢。迨天正十五年。關白秀吉伐島津氏。至博多。下令書。追卻耶蘇邪徒。下法令。嚴定互市之制。免租稅。

八月。賜復書於木渥國林隱麟。及呂宋國。外蕃通書引。日記往來。十月。宮至自京師。御年譜。逸史。十二月。至熱田狩于途。遂如伏見。御年譜。續。王代一覽。是年初置伏見定番。一本譜畧。八年正月。賜復書及物於東蒲塞國王。通書引。日記往來。二月三日。如大坂。五日。還伏見。逸史。十二日。權大納言藤原兼勝。參議藤原光豐奉策命。就拜宮征夷大將軍。遷右大臣。爲淳和葬學兩院別當。源氏長者。賜牛車兵仗。御年譜。公卿補任。公族以下列侯從官。叙任有差。置傳奏司。以兼勝光豐補之。逸史。二十五日。宮入朝拜命。列侯羣臣多扈從。儀衛甚盛。天皇饗醴。勞之日。東討西伐。

御年譜 公卿補任 逸史 通書 引 日記 往來

以輔予一人。凶氣立銷。泰平闡基。將軍之勲。朕甚嘉焉。益敷武之德。昭爾顯祖。用為邦家光。宮拜手稽首曰。老臣不敏。敢奉揚。天子休命。庭實旅百。前志曰。獻白金萬兩。成禮而出。春秋兩宮及腋庭妃嬪。宗室槐棘以下庶尹百司。餽賜各有差。公卿牧伯。盡適二條城以賀。朝野津津矣。言行錄。十月十六日。宮辭。右大臣。公卿補任。續王代一覽。十一月。歸自京師。逸史。續王代一覽。九年二月。下令東海東山北陸三道。每里置堠。初喪亂之久。里程無度。織田氏時。命設堠於其統內。以三十六町為一里。樹以松及檟。檟與榎同。檟和名衣。於是取以為準。既而

西南亦皆依其法。落穗集。續王代一覽。三月朔。宮發江府。途浴熱海温泉。御年譜。設獨吟聯歌會。曰。波留乃與乃。由米差遍那美乃。未久良加南。猪苗代兼如附之。曰。阿計保乃知可久。加須武衣能布禰。水月名鑑。遂如京師。逸史。續王代一覽。閏八月。至自京師。御年譜。先是。庚子歲。宮謂宗義智曰。朝鮮之役。因喪撤兵。迄今未結局。余固無憾於彼。彼亦不仇我。彼若欲來庭。余且聽之。然非從我求之。卿領此意。試諭之。義智還國。遣人諷之。朝鮮久苦明成兵之橫。乃欲託隣交以辭戍。於是遣行人孫文彥。及僧松雲。詣對馬。請修聘貢。併求種人俘囚。義智馳

人報之。宮允其請。且曰。義智宜以文彧等或作文或至京師。以待余之往。乃命板倉勝重館之大德寺御年譜續。是歲。西諸侯設邸于江府。尋皆寘擊。藤堂高虎倡其議。相良長每首其事也。逸史。十年正月。宮如京師。御年譜。三月。召見朝鮮孫文彧及松雲。戒期。下令諸道。檢朝鮮俘虜。對州地多不毛。義智取給於肥前別邑二萬石。於是益以肥前田二千石。以賞其勞。且諭曰。世子朝參期在近。留韓人。使觀其儀衛。又曰。貢使之來。卿致之江府。時宮將老。故有是命。舊章錄。四月朔。上表致事。逸史。十六日。天皇優詔許之。公卿

補任。寵數渥異。勅以左大臣就第。固辭不受。逸史。是日。稱號大御所。續王代。九月。宮發京師。途狩于稻葉山。十月。還江府。御年譜。十一月。狩于忍。及河越。御年譜。越史。鴻作。河。是月。始定書院番隊。舊章。十一年三月。更經營江戶城。藤堂高虎為準繩司。列侯勤其役。御年譜。王代。是月。宮如京師。時將老于駿府。因留四日。相地而行。御年譜。七月。先是以皇宮規小。建議展之。於是令列侯助役。淨光公子秀康董其事。斥移公卿館第。以宏諸宮。改築周垣。使列侯鑑名於石。以貽永世。御年譜。行錄。九月。賜書於暹羅國王。及占城國王。求奇楠香。

及銃砲。二國尋入貢。引通書日十月。至自京師。續一王

史、逸十一日。初自足利氏管山東而來。多用永樂錢。慶

長甲辰年正月。命以鏹錢四。換永錢一。於是命大久

保忠鄰。本多正信。禁永樂錢。專用鏹錢。草廬筆記、北

是月。狩于向越。御年譜十二月。賜書及朱章於田彈國

王。通書引日十二年正月。宮有疾。困而寤。遠近流言

相驚。二月。命合申樂四部。舞于殿庭。大設勾欄。官暨

台德公率羣侯庶臣蒞之。使士民從觀。訛言乃已。逸

二十九日。宮發江府。途狩于中原數日。三月。入駿府。

御年譜令本多正純。為駿府執事。逸五月。宗義智携朝

鮮使呂祐吉。慶暹。丁好寬。至駿府。御年譜、續七月。駿

府城成。十月。宮如江府。以駿府城成。撤江府西城府

藏。以黃金三萬枚。白金三百萬兩。餽台德公。御年譜

十一月。狩于浦和忍河越。御年譜十二月。至自狩。御年譜

史二十二日。駿府後房遺火。新城皆燼。唯取寶刀二

櫃。其奇寶白雲壺。獅子笛等。皆燔矣。宮與諸公子女

諸姬。館於本多正純。傳令諸侯。勿來唁。御年譜、言十

三年正月。再城駿府。擇材于信濃伊豆紀伊諸山。使

四方諸侯助役。逸大坂令織田賴長來賀正。御年譜

狩于田中。御年譜三月十一日。駿府城成。徙焉。御年譜

覽。五月。伊斯把爾亞所置。呂宋守護堂牟呂知里許天
比遍伊呂上書。通書引日八月。台德公到駿府。賀新
築。天皇發使。慶以金帛。右大臣秀賴亦使人來賀。
諸侯相繼。至駿府賀焉。史。逸官彌于岩槻。還如江府。史。逸
是月。賜朱章於延曆寺。定禁制六條。御朱印記十二月。官
至自江府。史。逸是歲。宮開經筵。以林道春爲講師。言行錄。逸
史十四年正月。宮如尾張。次清須。相城地。御年譜。大
坂欲修方廣寺。復鑄金人。其度如舊。初秀吉鑄黃金。
造大法馬數十。以備不虞。一馬當銀金一千枚。於是
多鑄爲幣。以資用度。西諸侯亦往往漕穀。以助役。淀

君發內使如江府。因崇源夫人請曰。右府欲紹先志。
再興治功。又加以棟宇之設。經費廣濶。在今非易辨。
願藉手以濟事。台德公遣本多正信。如尾張以告焉。
宮作色曰。淀氏婦人。右府少壯。未足多咎。以汝老成。
猶且不曉事。對迺公爲是言者。獨何與。正信蹙然蒲
伏。乃徐曰。汝其審思之。東大寺聖武帝所起。其嬰兵
燹也。僧重源募緣再造。時鎌倉方興。初無所干預。勅
額猶然。矧方廣寺。豐臣氏所營。孺子繼述。其家事耳。
宰天下者。又何與焉。且也不惟方廣爲然。凡天下古
刹名祠。係官之修造者。又宜有所斟量裁抑。胡必每

請輒聽焉。其新建者。皆當禁絕。古來無用之土木。大
蠹國家。所可深戒也。幕下乃謝大坂使者。遂與宿臣
議其宜。著為永制。逸史。二月。至自尾張。御年譜。四月。駁
府城庭有人。四肢無指。弊衣亂髮。取青蛙食之。就問
其所由來。指天而不言。或謂殺之。官曰。勿殺。乃命放
之郊。不知其所往。御年譜。七月。賜朱章於阿瑪港。通書
引。西諸侯頃年以武備相競。往往修城隍。造戰艦。
官聞而弗懌。是年八月。下令禁之。藉沒其巨艦。遂著
為令。逸史。紅毛入貢。通書。先是天正壬子歲。右府
信長舉舊典。改造伊勢兩皇太神宮。以事屬前代。既

愆二十年。改造之期。官聞之。乃下令於伊勢。給穀營
之。九月。鳩功。遂定為永例。逸史。十月。官賜書於紅毛加
比丹。許每歲商舶交易于平戶。實錄。通書。引。狩于善
德寺。十一月。宮有疾。自三島還。駁府。御年譜。是月。官命
有馬晴信。燔蠻船於長崎港。御年譜。十五年正月。蒐
于田中。復蒐于田中及中泉。御年譜。二月。至自蒐。御年譜
譜。三月。福島正則。池田輝政。淺野幸長等。畢篠山功。命
助役於名護屋。正則私輝政曰。頻年土木。財力俱困。
雖然。駁武公事。我不敢辭。今以私役。復屬羣藩。非吾
所知也。公之親密。盍為吾輩。緩頰。輝政嘿然。官聞而

御年譜
卷之五
十一

使謂之曰。友邦勸役者。其亟就國。修乃壘。深乃池。穩
臥軒睡。以待我旗鼓之至。正則大怖。與諸侯促期董
督焉。言行錄。逸史。七月朔。宮漁于瀨名川。御年譜。是月。官賜
朱章於廣東商船。曰。廣東府而船到。着我邦。雖何處
島浦。任商主意。可市易品物。若有姦賊。則因其愆。刑
戮之。邦人莫違失焉。通書引。長崎日記。十月九日。駿府城厨
火。宮如江府。言行錄。御年譜。狩于途。二十一日。入江府。十一
月。發江府。復畋于途。十二月十日。至自江府。御年譜。賜
朱章於明人周性如。曰。應天府周性如商船入吾邦
者。雖著他津浦。護衛送之。長碕。爾邦人須辨知焉。如

犯者處刑。蔑攸赦。先是周性如到駿府。執謁。長谷川
廣智。林道春。价焉。是時本多正純送書於福建道總
督軍務都察院都御史。欲索勘合之符。附之。性如。彼
猶狐疑猶豫而弗報。勘合亦不成。而南京福建商船。
每歲詣長碕者自此多。廣智亦送書於福建道總督
陳子貞。求得勘合。交貿。貴久記。通書。引。長碕日記。是歲。阿媽港人
來。本多正純承命。答書其主。實錄。貴久記。十六年正月。宮
蒐于榛原郡。御年譜。二月。蒐于中泉。逸史。三月。如京師。初
朝廷欲待宮以太政大臣。賜菊章。使人喻旨。固辭曰。
則闕乏官。非老臣可濫。菊徽號既錫。足利。則非特恩

之榮。老臣乃葵章足矣。若錄微勲。伏冀追贈之典。得及泉壤。於是策贈宗祖大炊助義重鎮守府將軍。從四位下。考成烈公廣忠。從一位。權大納言。御年譜、略、參松傳、○野史氏按、從二位、或作正一位、又從二位、今從嘉永元年冬宣命寫、四月十二日。宮朝參觀儀。御年譜、命諸侯上載書。其一曰。從鎌倉右幕下以還。若幕府世法制。欽奉之。以考得失。江府命令。莫一違戾。二曰。若背法違令。各國迭莫隱匿。三曰。各國士卒。有告反逆殺人者。皆莫扶持焉。御年譜、言行錄、二十八日。至自京師。御年譜、七月。本多正純復書於阿媽港知府。通書引、羅山文集、八月。宮登淺間嶽。架的于二町。

外。縱巨銃射之。三發而三中。尋狩于淺畑。御年譜、九月。宮賜書於五和國。通書引、羅山文集、十月。狩于相模。逸史、遂如江府。狩于戶田河越。御年譜、實錄、十一月。狩于忍。十三日。至河越。台德公亦從。宮遣土井利勝。成瀨正成。訪問大祖義重墟於新田。為置大光院。御年譜、實錄、二十三日。至自狩。御年譜、逸史、是月。召見明人。因其所請。賜朱章曰。交貿地限長碕云。通書引、駿府記、宮見天下無事。欲與民休息。以時屬草昧。深留意民事。孜孜弗怠。首夏嘗遊畋。謂左右曰。今茲麥稼甚美。汝等知其驗與。僉曰。否。宮因指示曰。穗皆螺旋。此為其符。粒稠密而肥充。不得

卷五十五

不旋也。方春又嘗出。謂衆曰。客歲豐稔可喜。今所在
 幼孩嬉遊者。皆肥澤。是其母免糠覈。得乳汁美且多
 也。又芋困往往未撤。是民食有餘也。蓋細民田間貯
 蹲鴟。塗以董泥。以備及麥之食。名曰芋困。其諳微事
 賤況。大率此類也。逸史十七年正月。蒐于參河遠江。遂
 如尾張。二月六日。歸自尾張。御年譜。屢購求遺典。獲
 續日本記。保曆間記。東鑑等書。於是命林道春。校其
 異同。又數召道春。咨經旨。親論一貫中和經權等義。
 反覆弗措。時春秋既高。識者以爲懿戒之遺。逸史。六月。
 宮賜復書於新伊。斯把爾亞國王。是月。五和國雷羅

令所德大奧六。及五和國彌格兒。幾蘇沙庇蒙德兒。天
 川港知府事文會華珠等上書。通書引。八月。漁于瀨
 名川。御年譜。引見呂宋國使者於駁府。先是呂宋國虞
 文勝律郎。宜系厘猫。上復書及方物。通書引。日。九月。
 賜復書及物於伊沙羅諦羅國王。先是彼奉使上書
 及土物。故引見使者。賜書及朱章。通書引。日。是月。明商
 人鄭芝龍歸化。宮召見。推問外事。館之長碕。逸史。十月。
 先是紅毛獻書及方物。至是賜復書曰。遠書到來。再
 三披閱。殊領數般之方物。惠不淺。彌不渝前契。年年
 商船往來。則縱隔萬里重濤之嶮。實成四海一家之

思者必矣。通書引令條。閏十月。如江府。遂狩于忍。御年
譜、逸十二月。狩于岩槻。逸十五日。至自狩。御年十八
年正月。蒐于田中。御年譜、一本。九月。官遊畋。遂如江
府。御年譜、逸十月。狩于忍。遂狩于岩槻。越谷葛西。大獲。
二十九日。入江府。十二月三日。發江府。六日。狩于中
原。將館于小田原。大窪忠隣以城主供具。候駕。本多
正信正純父子忌憚。上蜚變中原。曰。忠鄰圖不軌。官
遽回駕於江府。御年譜、逸二十四日。狩于越谷河越。十
八日。入江府。御年譜、逸十九年正月二十九日。至自江府。
沿道嚴設兵衛。御年譜、逸三月。宮老益事學。下令大購。

天下遺書。於是秘典奇籍。往往而出。府庫之藏。至數
千編。尋親擇二程全書。朱子文集。朱子語類。東萊集。
南軒集。大學衍義。晉書。玉海。李白集等二十部。使林
道春奉以往江府。東府庫所缺也。權大納言藤原宣
季致金澤文庫所傳。律令殘篇于駿府。逸前權大納
言藤原輝資亦致侍中羣要鈔上卷。故實鈔七卷。共
金澤文庫遺本也。東遷基業。官又深憂世之久歷喪亂。禮
樂崩壞。教學蕪蕪。百氏九流。蔽技雜工。以至浮屠外
說之類。舉不如古。乃悉心採訪。禮命文武諸臣。凡成
一家。名一藝者。莫不勞徠。喻天下諸寺。各修其所宗。

屢召聽其說。於是會諳練典故者大修朝廷舊章。據國史延喜式。泊貞觀政要。羣書治要等書。雜取秘庫及故家圖書。以損益焉。書就獻之京師。舊志逸書名。藏在秘庫。今無。並定江府及列國縣邑制度。而施行焉。又召緇素通文事者數十人。親試以爲政以德頌。及寶樹多華果頌。遂致其人于江府。台德公亦試草尚之風。必偃賦。是法住法位頌。海內駸駸。興於文教。逸史。權中納言藤原爲滿到駿府。宮將受古今集秘說。林道春夕。宮語及之曰。汝於三秘有所聞歟。答曰。摺紳家之說。臣未之前聞也。然以臣所稽。不過云云耳。既而果

爾。異日爲滿侍座。宮問曰。人丸事迹。何書可考。爲滿曰。人丸詞僊。其蹟神闕。後世亡傳。宮顧問道春曰。汝以爲奚若。道春曰。萬葉集有人丸四人。其一爲詞僊。雖迹不顯著。而散見於諸書。未爲神闕。乃疊疊言之。駿府記。四月二十一日。權大納言藤原兼勝爲天使。逸史。如江府還。是日過駿府。諭中旨。令納公孫女備中宮。宮拜命。又諭以太政大臣准三后之拜。固辭不受。前田利長以大坂誘書。獻于駿府。逸史。七月。權大納言藤原雅庸。權中納言藤原爲滿講古今集於駿府城。一續王代一覽

○御年譜云。中納言飛鳥井雅庸講源氏物語。是日。聞大佛殿鐘銘。有弗祥之文。宮怒焉。

先是方廣寺成。大坂命東福寺僧清韓。作方廣寺鐘

銘。其文分截宮諱字。序引亦觸忌諱。銘曰。國家安康。

迎。葉中。小釋。引曰。葉上大釋。

迎。互爲主伴。及成。緇素嗷嗷。以爲呪詛。故事。宮寺上

梁榜。記緣主。及各委官。都匠姓名。方廣寺之營。宮發

監使五人。及上梁。令清韓書榜。大野治長等皆曰。東

使微者也。都匠亦何爲。誠清韓並不載焉。至是。宮召

鐘銘。及上梁文。令道春。及天海等會議。僉曰。大坂反

側日久。意實弗可測。乃馳駟。命所司代板倉勝重。詰

其文意。且停慶期。二十九日。勝重傳命於片桐。且元

停儀。且元令清韓馳至駿府。謝且解免。宮命拘請韓。

令板倉重昌。適京師。咨詢五利。已下僧。多依違作答。

或獻狀。證其詛。淀君使且元及弟貞隆。大野治長來

謝。皆畏懼。次鞠子。歿命。重昌反命。都匠中井正次。寫

諸名寺上梁榜。以獻。皆如故事。而大坂招客繕兵之

聲聞。亦日至。宮益弗懌。囚清韓于京師。逸史。八月。宮命

金地院僧以心。鏤梓大藏一覽。御年譜。十九日。令貞隆

治長還。特召且元詰問。且元陳銘詞偶然。盡言明秀

賴不預知。淀君復使姆大藏。尼正榮來。二媼宿府下

卷五十五

七軒街。因正純及局阿茶以聞。宮召見二嫗曰。秀賴既為余孫女婿。淀君亦我嫡婦之姊。何以有異謀。但姦臣生釁。流言相煽。以至完聚修兵。蹤迹既不可掩矣。秀賴宜親賢遠佞。逐客戡甲。明無他志於遠邇。以為無疆之休。汝等歸而善言之。因慰諭再三。不復及。詛獄。逸史、

○東遷基業載。二嫗見。官問秀賴及夫人淀君安否。曰。淀氏稍老矣。乃賜食。二嫗曰。鐘銘上梁文。韓長老有過。聞機色不穩。秀賴母氏夫人酷憂焉。官曰。無痛耳。其他不異前時。二嫗大悅。請歸上。官曰。

汝等到于此。宜赴江府。訪問而歸。乃可矣。命賜驛帖。二嫗往江府云。

九月。正純及天海到。且元寓鞠子德願寺。說三事。且元察其不可以罷私諾。五日徙寓于駿府安栖宅。九日。召見。且元逸史作且元及二嫗詰問。申理再三。而聽之。賜服及暇。且元懼恙未發。以下與正信有姻故。羣侯或慰問。宮亦訪病。賜菓。十三日起程。基業、○逸史云、且元及二嫗賜金帛遣歸、

○御年譜云。九月九日。宮召見。且元曰。秀賴明布腹心。則余亦奚為踈之。然則人亦不得聞然。

紅毛至駿府。獻方物。及生虎二頭。通書十月朔。宮與諸公子觀申樂。會京師飛報至。曰。大坂兵端既啓。命撤樂。遂議西討。使台德公下教諸道召兵。大坂記伊達正宗縛大坂使者。送江府。島津家久卻大坂使者。以告駿府。諸藩亦往往逐使者。上變。逸史○大坂記衛門、而聞焉。板倉勝重與伏見處守松平定勝議。置關於淀葛葉。以絕行旅。嚴禁水陸運輸。益報聲息。逸史四日。且元發使者來愬。難波軍宮乃下令戒嚴。以藤堂高虎為先鋒。宮親將中軍。東道諸侯皆從。台德公督關內八州。及奧羽諸侯繼之。井伊直孝攝軍而從。

公子忠輝為江府處守。蒲生忠鄉。最上家親。奧平家昌副之。又喻福島正則。黑田長政。加藤嘉明。留護東府。各遣其子弟出師于國。御年譜十一日。宮出師。御年譜大坂發亡命數十人。扮為行者。入京師。欲俟宮至大坂。蕪二條城。又募刺客。潛匿京師。以狙虛勝重。隨摘發之。分曹逐捕。皆伏誅。難波軍二十三日。宮至京師。德川記落穗集。○公孫忠直將兵二萬。前田利常將兵三萬。會師于京師。是日。台德公作五軍以發。步騎都二十萬。大坂記二十四日。朝廷使權大納言藤原兼勝。藤原實條來慰勞。逸史二十五日。宮召高

虎等。按圖議戰備。授諸將方略。下令嚴禁焚掠。又召片桐且元。又命林道春僧崇傳。及五刺諸僧。蒐求公卿庶尹記籍。開局謄抄。傳令曰。今日秘而不出者。皆廢爲故紙。異口不得以爲證。左遺書於是多出焉。宮又上奏。具書目。請假御府秘典。上皇大喜。擇類聚國史。類聚三代格。古語拾遺。神皇系圖。年代略等數篇授之。史。逸二十九日高虎直孝南下。十一月二日高虎進次小山。忠直及本多忠政繼之。高虎遣人探偵平野。三日乃入平野。進兵於大仙陵。大坂記。逸史。松倉重政等和部陣于住吉北。四日淺野長晟陣于勝間。大坂

記。松平忠明陣于飯盛。池田利隆。松平忠雄抵神崎川。史。逸十日台德公至。伏見師總五十萬。不留寸地。御年講。逸十五日宮發京師而入南都。御年譜。落穗集。十七日味爽。宮發法隆寺。下令諸軍帶甲。僧崇傳。道春。夕菴亦皆甲而出。宮莞爾曰。余麾下亦有法師武者三人。落穗集。進營于住吉。台德公于平野。御年譜。落穗集。佐竹義宣。上杉景時。堀尾吉晴。本多忠朝等。自鷓野口。台德公自天王寺口。前田利常對真田郭。忠直師繼之。直孝高虎及和部備次之。公子義直。賴宣陣于住吉營前。麾下及諸侯列陣于今宮茶白山。淺野長晟。松平忠雄。

蜂須賀至鎮。鍋島勝茂等。自今宮口。伊達正宗夾今宮路。小出金森列其東。池田利隆。松平忠繼。森忠政等。自北中島神碕口。京極忠高。片桐且元等。自京路枚方口。將入備前島。九鬼守隆等。陣于傳法渡口。列軍艦。大坂記。十八日。宮抵天王寺。台德公會焉。十九日。又會議于住吉。大坂記。秀賴事記。是日。十八日。改茶白山。名勝山。命賦諸部隊伍。宮進騎于玉造黑門。點檢城郭。衆請從。本多正信制止。時宮著縹色襦。鷹羽爲章。而不甲。城中望之。縱銃。猶前廻。越前隊頭。而還行營。落穗集。宮以諸侯悉會。無一人應城中者。度其必悔。大坂記。

又以天漸寒。潤士衆艱苦。欲議和弭兵。二十一日。令本多正純差人入城言之。城中依違以答。大坂記。穢多崎最近城際。宮暨台德公邏騎到于此。命銃手射城中。城中亦連發。宮單騎轉旋。墮際。銃矢雨注。正純白曰。連銃無隙。請扣轡。宮哂曰。正甲。銃亦不中。無以爲念。大坂物語。或夜有一卒至住吉。彷徨軍門。詰之。乃曰。欲適藤堂氏。失道至此。軍吏執以獻。齋秀賴與高虎書。言內應之策。予甚嘉焉。若有殊功。增封如約。卒亦曰。凡豐家之舊。以間使饋獻。送款者甚多。宮哂曰。姦豎淺謀。不足道也。召高虎。賜卒及其書。令拷治焉。一

卷五十五

鞠即承。遂斷其十指。黥額曰秀賴。放還之。城中又多發間使。詣諸侯營。或誘或間。諸陣皆執以獻焉。德川記、大川二十四日。正純受命。遣使於織田有樂。大野春長。答使來營。正信視之。以城中所寄諸侯書簡。勸講和。二人對謂壞外郭樓櫓。正純曰。外郭莫論。破二三郭而和平矣。大坂記、落穗集二十五日。宮抵茶白山。諸侯陪從。宮所騎駁向城而嘶。高虎曰。佳兆也。宮巡騎三四回而曰。老且勞。高虎曰。否。益壯也。落穗集二十六日。上杉景勝。佐竹義宣。破鷓野堤柵。德川記、難波軍記片桐且元軍備前島。台德公擇銃手。隸之。發大煩。多壞城壘。城兵懼

不復出。逸史二十八日。朝廷使權大納言藤原兼勝。藤原實條。至行營慰勞焉。御年譜、秀賴事記是日。下令。增諸軍糧米。每日三十萬口。充一千五百斛。奧羽及遠境兵倍焉。秀賴事記、大坂記二十九日。蜂須賀至鎮拔博勞淵。獲首級。石川忠總。九鬼守隆等。夜襲福島。獲首虜。秀賴事記、難波軍記十二月朔。西諸侯師益進。迫橫港。宮下令曰。不顧死而進。非兵所貴。諸軍其必設柵而發銃。務毋使士卒有死傷。使番馳驚布令。萬眾感戴。逸史宮以圍已合。復使人媾。織田有樂書於本多正純。答以秀賴弗從。命強之。又輯諸侯所獻。其間使之書。與之以

二十一

卷五十五

絕其意。秀賴軍記、逸史初宮欲移行營。相茶白山營之。台德公亦營于岡山。綴以千餘砦。於是乎成。大坂記、逸史六日。徙營于茶白山。台德公徙于岡山。德川記、大坂記、御年譜云、四日台德公德川記、大坂記、御年譜云、四日徙營。毛利秀就福島正勝受命。以沙囊截淀水于長柄。壅大和川于鳥飼。數日而外隍皆涸。諸軍益投沙囊及葦竹屋材。隍上設竹盾。布鐵櫛。所在築土山。起堙樓。俯瞰城中。城中往往帶而座。宮布令諸軍。四面發銃鼓譟者。三夜各三次。城中震駭。民皆荷擔。避入內城。重沓蹂躪。或墜隍中。死者數百人。將士奔走。不得歇息。又令諸軍射書城上。曰。降者有賞。於是人

人危疑。難波軍記、逸史台德公以圍已逼。請四面齊登者三。宮不許。輒曰。事則可逞。獨奈彼此多損人何。逸史十日。使賈人光次往行成。秀賴議決。遂令人因本多正信成言。宮出約曰。秀賴能悔過。創艾自新。則余與之更始。無復芥蒂。凡羣臣諸亡命。在圍城之中者。悉從寬典。一無所問。秀賴其撤外壘。填周池。以明無它志。不則宜避城。徙於郡山。城中未報。難波軍記、逸史十一日。會礮夫。鑿地道。又多造雲梯。頒之諸軍。逸史宮暨台德公親巡師者屢。御年譜、落穗集十二日。復巡至天滿。秀賴事記、逸史十四日。局阿茶至自京師。秀賴事記、大坂記十五日。秀賴報曰。撤

二二二

壘填池。謹聽命矣。但羣下甚衆。原祿不給。願益以土田。宮作色曰。諸亡命仇我。我不加顯戮。一切舍之。恩亦洪矣。今又奚而藉寇兵。齎盜糧乎。吾聞術士或言。明年乙卯。秀賴本命所利。故彼欲遷延以迨吉耳。遂逐使者。及哺。使者復至曰。願避城徙封。請以阿讚豫。易攝河泉。宮曰。易以房及二總。淀君不欲東。和議中止。難波軍。十七日。天皇使權大納言藤原兼勝。藤原實條復來。詔曰。將軍老矣。雖克壯其猶乎。衝冒風雪。久蒞戎事。非其所宜。予一人以憂。其姑爲之備。回軫京師。以將息焉。宮拜手稽首曰。謹拜宸眷之辱。

抑臣老於行間。慣歷寒暑。汗馬之役。閭職所分。不足以勞聖慮。且群藩擐甲。萬衆暴露。老臣不忍獨逸也。二卿因私之曰。上聞和議新敗。欲詔諭秀賴使聽命。何如。宮辭曰。無所辱。叡旨也。何者。天威咫尺。秀賴惶恐奉詔則可。萬一昏迷不恭。有所違拒。上損皇威。下陷大逆。義當誅夷。殄滅而後已。非老臣待秀賴之心也。秀賴事記、大坂記、逸史。十八日。淀君登天守樓。會大煩中樓。侍兒齎粉。震怖而降。遽議媾和。難波軍記、逸史。先是。宮遣局阿茶。適京師。邀京極氏母常光院。是日。常光院入城。曉諭。以待秀賴。無宅。常光院見淀君。具言之。淀

君喜懼交集。即與秀賴拜命。德川記、初宮之出師也。以阿茶自隨。殺異之。於是僉信其和好。完秀賴之素意也。台德公聞和議復起。不懌。謂左右曰。諸侯畢會。精兵百萬。摩壘而陣。旗鼓晨動。城池夕夷。今舍必勝之算。以紓不測之寇。非所以答天下也。遂使土井利勝到茶白山請戰。官答曰。古人不侮寡弱。良將不戰而勝。右府請枉見從。史、逸十九日。常光院反命。大坂記、落穗集、二十日。復使常光院率阿茶而往。定約如初。命秀賴即日修使幣。奉約于茶白山。官使光次責有樂治長任子。織田尚長。大野治德出質。初出其少子。光次作

色曰。臨此大節。何幼弱之用。是輕使命也。固執不退。乃出治德。其長子也。官壯光次曰。有士人之風矣。是日。內外停矢丸。御年譜、秀賴事記、二十二日。秀賴使木村重成出蒞載書。官使板倉重昌入蒞載書。御年譜、大坂、德川記作二十三日、○、難波軍記作二十四日、○、二十三日。諸軍撒圍。是日。島津家久。及二豐二筑諸侯率舟師。抵室津。及武庫津。官命罷之。遂發夫卒。填夷塹壘。列侯爭受役。本多正純。成瀨正成。安藤直次董之。御年譜、大坂記、二十四日。有樂治長詣茶白山拜成。秀賴事記、大坂記、是夜。官遽旋駕于京師。德川記、落穗集、○、大坂記、二十五日。有樂治長及七隊

將詣岡山拜成。秀賴事記、逸史諸侯賜暇。伊達正宗耳語藤堂高虎曰。乘此弊拔牙城矣。台德公制之。難波軍記林道春等所校諸書。謄為三本。功畢上之。宮獻一本。納之於秘府。實二本于駿江兩府。朝野秘書。舊事記。古事記。文德實錄。三代實錄。釋日本記。日本後記。續日本記。日本後記以下、江家次第。日次記。內裡式。山槐記。據秀賴事記。西宮記。明月記。類聚三代格。三代格從秀賴事記。菅家文粹。秀賴事記作等數十篇。於是乎傳焉。秀賴事記、逸史、二十八日。朝參。天皇。上皇慰藉甚至。宮見關白藤原信尚曰。禁闕舊儀。前日修舉未盡者。請按舊典祕籍。以補其

闕漏焉。秀賴事記、落穗集二十九日。朝廷使傳奏司宣事。目求興白馬踏歌諸節會。及釐正祿爵之制。宮答曰。道有崇替。古今異宜。老臣凱旋之後。當稽典故。采衆議。損益草定。以奏請焉。異日卒審定其制以上。著為永制。秀賴事記、大坂記元和元年正月。宮在二條城。御年譜、大坂記三日。振旅發京師。而次岡崎。以聽大坂動息。御年譜、落穗集十九日。途狩于吉良。二月四日。狩于中泉。淹留六日。御年譜。十四日。歸駿府。難波軍記作正月三日發京濱松、而退駿府、師次岡崎及吉田、二十四日入云、今從御年譜三月。大坂使青木一重。及常光院。姆大藏。尼正榮來拜成。且告曰。兵革之後。田里凋殘。饑

荒且臻。無以祿羣下。願熟圖之。以全好盟。時公子義直將娶于淺野氏。宮乃曰。尾州婚期在近。余且往。山東婦女不習禮節。而等往相儀。婚畢則親西上。以處其宜。使者乃如尾張。一落穗集、逸史、難波軍記、大坂舉兵而反。云、三月五日勝重上、大坂反形、十五日。宮聞報曰。烏合之衆。多則易潰。不足卹也。乃下令纂嚴。召兵諸道。台德公亦戒師期。處分皆依前規。但公子忠輝不喜處守。於是與黑田長政加藤嘉明。皆請從。許之。逸史、京師訛言。大坂發。普火京師。以爲戰地。緇素嗷嗷。士氏騷亂。運資財於愛宕。鞍馬比叡。或恣輸。

禁闕仙院。上下鼎沸。所司代板倉勝重以告。乃使井伊直孝。本多忠政。松平忠明。卒兵。與江勢濃諸部屯東寺。藤堂高虎屯淀。以護衛京師。訛言乃止。秀賴事記、逸史、宮嘗命林道春。監造銅材活字。既成。乃首印群書治要。頒賜諸藩。逸史、四月四日。宮發駿府。御年譜、大坂記、九日。至名護屋。召大坂使者曰。余聞秀賴復聚兵。將寇京師。盟血未乾。何失信天下之如此。余當觀兵京畿。以問其罪。遂遣常光院如大坂。再諭以弭兵。留一重。及大藏正榮于京師。逸史、十日。台德公出師。落穗集、十五日。御年譜、作、宮發名護屋。難波軍記、逸史、十八日。宮至京師。御年

野史 卷五十五

講、大坂記、常光院以大坂不聽命來報。於是復使賈人光次如大坂行成。又不應。因下令畿甸。應大坂募者。悉收其孥。歸服者宥之。史、逸二十一日。台德公至。伏見。集、難波是日。台德公到二條。見宮曰。以二十八日發矣。乃使高虎議曰。竢賀越與羽之軍到而發乎。宮曰。今當敵城不完。余意禦戰于郊外必矣。敵雖幾千萬。於郊野之戰。一舉可殲也。公還伏見。明日復來。請延期。宮曰。前言不違。莫論多寡。余已耄矣。請任焉。公曰。太公為前軍。自為後拒。奈天下後世之嘲何。強請弗聽。而顧正信曰。余以此戰為他事。正信曰。兩公之論。

俗云注水論。臣考舊規以定焉。問其故。答曰。邇敵者為先乃故事。宮曰。汝能識故事。乃決議。集、落穗

○鶴頭夜話云。大坂夏陣起。宮到京師。公未到。宮恚曰。年壯而後老脚。莫論而已。左右懼。馳人促駕。公到吉田。聞報。與左右兼行馳到。聞之。宮作色曰。將軍胡為不辨弓箭之道。未可托國家重任。彼徇聞余不懌。奚不謂乎。太公老耄言叵信。寇何為得侵輦轂矣。師馬勞則又難戰。何急之用矣。是則將帥之言也。聞予不懌。馳驅兼行。難矣哉。指揮萬眾。諸道羣眾。地不僻遠者。相繼而至。兵總十五萬。乃令

野史 卷五十五 二十七

石川忠總守高槻。池田利隆。松平忠雄屯尼碕。山陽山陰二道兵。自神碕諸津入。南海道兵。自和泉路入。公子忠輝爲大和口總督。仙臺及和勢濃諸部。皆隸焉。上杉景勝留護京師。次男山。二十三日。復遣常光院。諭大坂曰。秀賴卽全好。權徙郡山。七年。余當修治塹壘。安輯居民。以復舊封。縱大藏正榮從歸。共言之。特拘青木一重。落穗集、難波軍記二十四日。常光院反命曰。秀賴憤憤。女兄與諸臣辭成。落穗集、逸史乃命先鋒高虎直孝進兵。二十六日。高虎發自淀。到于須奈。敵以一支兵守佐太。高虎夜掩擊之。敵以而下、從逸史直孝繼之。自

伏見。神原康勝。本多忠朝自竹田。皆發而入河內路。大坂記初大坂募敢死士數十人。潛入京師。欲誅駕發。燔禁闕及二條城。是日。有人殺鈴木左馬介。獲大坂謀狀。逸史作獲、賊二人所司代勝重糾問。悉逮捕其黨。下獄。官因停行期。大坂軍記、難波二十八日。淺野長晟與城兵戰于櫛井。小出吉英。金森重賴援之。遂擊破之。難波軍記、逸史五月五日。官台德公發京師。德川記、難波軍記○大坂記作五月。宮下令諸軍。齋三日糧。親命厨人松下常慶。白粲五升。紅魚腊一頭。酒脩茶鹽漿鼓。共一櫃。以自隨。固禁庶羞。大坂記、武咄聞書是日。抵星田。御年譜六日。水野

勝成。及伊達正宗臣片倉景綱等。與城徧將後藤氏房。薄田兼相等。戰于道明寺。直孝。高虎與長曾我部盛親。木村重成。戰于八尾。若江。連戰皆克。德川記。若江合戰。聞

書。逸史。

○翁草云。先是城中連逃者多。東軍捕之。官召問城中穀倉虛實。兵賦多寡。乃命記室備載之。又問有鬻餅者否。且其大小強柔。而察城中糧穀不多。剃髮而追卻之。逋兵歸城。以語人。氏房聞之曰。太公審問。至餅強柔。必死之戰難成矣。嗚呼。官及台德公至平岡。命利常忠直曰。明日代高虎。直

孝為先鋒。又令石川忠總。及京極高次高知取片原町。而薄京橋口。大坂記。是宵。正純咨詢。明夜宿營處。宮曰。茶白山。集。落穗。七日。城兵出郊布陣。下令傳師於城際。忠直帥二萬。當茶白山。本多忠政。松平忠明。自其西而進。利常帥三萬。當岡山。本多康紀。康俊。遠藤常利等。自其東進。本多忠朝。小笠原秀政。淺野長重。秋田實季。真田信吉等。當天王寺。酒井家次。榊原康勝。松平康重。稻垣重種等。繼之。列侯諸將。鱗次而進。永井直勝。安藤直次受命。傳令於諸部。官及台德公。敦陣整旅以繼焉。時宮不肖。正信亦然。同從之。御選大坂日記。

諸部與城兵相睨。宮使本多正重。米倉種繼。嚴制接戰。傳令各下騎。牽馬於後。徐徐而進。使板倉重昌以達。台德公遣使召公子義直賴宣。諸將疑危。或請戰。水野勝成亦曰。日已禺中。請戰再四。弗聽。乃發千塚。御選大坂日記、落穗集、比至道明寺。使番數馳請戰。於是宮舍鴛而騎。唯碧紵衣。駢黃襦。左右上胄。叱曰。而何知。時義直賴宣爲後軍。使傳謂曰。速進兵。大戰期已迫。若等與觀焉。大坂日記、落穗集、宮抵平野。台德公到相見。而公對岡山。宮向茶白山。時已下刻。大坂日記、元寬日記、嘗傳令於諸部。以日午爲戰期。諸隊森列。部伍等進。忠直利常

自首交鋒。忠朝秀政與毛利勝永戰于天王寺。諸軍競進。不留寸地。城兵亦殊死披猖。忠朝秀政皆死。軍頗沮。城兵乘機望中旂而進。利常見之。馳驅擊敵。高虎直孝亦繼至。黃塵蔽天。喊聲動地。迭爭首功。短兵相接。長技或不得施。僵尸枕藉。原野朱殷。彼此混淆。幾不相辨。阿部正次呼曰。我兵衝暑涉遠。面黧黑。甲垢汙。城兵據城避明。面青白。甲鮮麗。是可以物色矣。乃進斃三人。部衆爭擊。驟得首數十級。武德大成記、橫田覺書、有逆兵犯台德公中軍。公秉麾。揮左右斬之。宮麾下亦相驚而擾。宮邏騎而親叱之。乃定。德川記、秀敵中

訛言。城中有反者。軍散亂潰走。諸軍追北薄城。斬首一萬五千級。德川記、難波軍記、○元寬日記、宮前至茶白山。路傍小舍火起。左右遽驚。會銃發。麾下益騷擾。師多自城方來。衆疑懼。植村家政赴之。其族家雄申曰。我師也。命捕縱銃者。而赦之。元寬日記、台德公聞前有戰。進中軍。到庚申堂。前隊俄然崩擾。初正純及松平正綱。秋元泰朝先進。從卒入空舍。見有硯匣。迭奪之。發銃相挑。是以衆謂有敵騷擾。或爭欲把槍。馳回者數百人。公曰。臨事急遽求槍。其佩刀抑爲何之用乎。衆不聞騷走。或見求槍者。以爲仇也。驚愕走亂。時

左右屬者。僅三四人。須臾而定。至茶白山。初騷擾中。有單騎而進馬前者。或呼曰。敵間者。呼謂未伎、禮毛乃、衆圍之。騎者突左右。遂遁去。板倉重昌巡騎制止而定。大坂是日未刻。城中火起。忠直旗幟先衆乘城。宮望之。未安。召殮飯。而出見橘章旗登壁。喜色溢面。落穗集、台德公入茶白山。賀捷。宮據胡床。頷曰。勝算如意。其亟還行營。以戒不虞。忠直入見。宮執其手。賞曰。真吾孫也。德川記、忠輝入見。正純啓之。宮側見不應。強令進見。宮曰。今日若奚爲矣乎。顧其臣花井義雄曰。遁亡在界路。遣上總麾下擊之。御日記、列侯羣臣。賀者屬



至。畠山入菴入賀。官執其手曰。入菴又得勝矣。駿府政事
錄、大坂記、大野治長令人來請曰。弊邑不恭。再抗大命。昏迷弗悟。以至今日。尙賴君之寵靈。萬分之一。子母二人得滅死。則隸臣治長以下。萬死唯命。或自刑以顯天誅。亦唯命。群臣之願也。會日暮。命拘使者。遣直孝。圍守糴倉。以胥後命。安藤重信。石川正次監之。治長積薪草以竦焉。逸史。迨是時。池田利隆自尼崎。望大坂烟起。進濟于神碕。要擊敗兵。多獲首虜。毛利秀元率舟師至傳法。遂前斬首三百餘級。加藤明成亦至川口。斬首百餘級。石川忠總。及京極忠高。高知。自高

槻至。與敵戰于備前島。破之。松平乘壽自杜口至。金森可重自岸和田至。各獲首虜。是役也。敵不城守。悉賦遠出。野戰兩日而決。故遠裔諸侯師。多不逮事。亦無後期之咎也。大坂記、逸史。初宮令諸軍曰。合圍之日。當開天滿一路。於是城中老穉庶賤。脫走得全者又多。逸史。八日平明。正純造糴倉。驗其實。宮乃遣加加爪直澄。命治長。上倉中名簿。因言秀賴雖罪大。勉從寬典。寘于高野。給淀氏以粟萬斛。年少誓御。及諸姬侍婢如舊。聽命而入。既而出曰。孤兒寡婦。荷再造之慈。當趨拜命。但城地燒殘。膏血流離。而萬眾屬目於我母

子。義不忍。跋涉。請給二肩輿。使者以告直孝。直孝猜其詐偽。乃使報之曰。軍中唯一輿。秀賴請騎而出。往復不果。直孝私重信曰。太公之慈仁也。勢至此。猶欲相全焉。是貽禍根也。事今在呼吸之間。不如除之。乃令銃手放二丸於倉中。速水時之呼曰。事不諧矣。淀君。秀賴皆自裁。治長時之。勝永等二十五人。饗庭大藏等女尼七人。殉之。倉中火起。豐臣氏亡。時日亭午。宮俄命駕赴京師。途謂左右曰。若斯大戰之後。大雨必降矣。數促馳駕。初天晴煌煌。至杜口。四面雲蔽。南風暴興。雨驟降。過淀。與三右衛門者奉雨皮。夜二

更。達二條城。重昌單騎抵城門。而呼守者。不應。廻由其父勝重所固備而入。關門而迎。駕德川記。元寬日。橫田覺書。逸史。○自途謂以下。六月十五日。宮朝參。御年譜。喪亂。據大坂記。落穗集。宮勞徠有日。寢復先職。厚史。逸之。久。伶人分散。朝章廢缺。宮勞徠有日。寢復先職。厚史。逸籛。廩。以肄業。舊樂因脩舉。史。逸二十七日。命萬于二條。與公卿諸侯觀焉。有萬歲樂。延喜樂。蘭陵王。入陳曲。七德舞。貂銖。拔頭。還城樂。樂名。樂。各音。洛。或以為太平象。史。逸○御年譜作閏六月。授武象故實書於台德公。御年譜。本多正信請撤豐國祠廟。宮不肯曰。是事體匪輕。廢置當由宸斷爾。乃與公卿諸司議。以奏請焉。史。逸七

野史 卷五十五

月朔。觀申樂于二條城。御年詔停豐國廟號。削其祀典。徙塑像于方廣寺。棟宇不修。任其頽廢。逸史宮命林道春等。据貞永建武二式。作新式。是月。殞庶官暨侯國。其畧曰。天子修習文學。曰。親王班三公下。曰。清華大臣辭表之後。可列諸親王之次。曰。雖為攝籙。非其器。不任三府。曰。當器之人。雖老不上攝關三公之辭表。曰。無嗣者。可擇同姓。曰。武臣官階。為大臣見任之員外。曰。改元年號。可用吉字。選定。迨習禮既熟。則可遵前規。曰。母混禮服。曰。諸家昇進。宜准舊例。曰。違戾關白傳奏奉行職事命者。處刑。曰。考定罪輕重。據

名例律。曰。攝家門跡。班親王門跡之下。前官大臣。必班其下。曰。僧正院室。據前規。曰。門跡院室。任叙。遵前例。曰。紫衣寺院住職。選碩德。可汲引之。曰。上人號。選碩學。差別正權。有濫競望者。處流刑。按東遷基業作以上十七條七月十七日又曰。文武之道。不可不兼修。曰。舉賢擇能。獎勸良善。曰。諸侯會同。以時。騶從有節。曰。上下有服。曰。去奢尚儉。曰。諸士陪臣。騎而母輿。但老疾醫卜。不在此限。曰。母私婚。曰。母私修城壁。曰。母荒酒色。事賭博。曰。母庇姦宄。曰。母萃逋逃。曰。母見知巨罪而不告。曰。使國人士著。母移易出入。政事錄東選基業並作七月七日日本多正純傳

野史 卷五十五

此十三條。八月二十三日。宮至自京師。御年譜、德川記、十月、于諸侯云、如江府。御年譜、政事錄、二十一日。狩于戶田。經歷河越忍岩。槻越谷葛西千葉東金船橋等諸處。二十七日。入江府。御年譜、十二月。還到三島。觀泉頭地。預卜定老休地。而還駿府。政事錄、御選、大坂日記、二年正月二十一日。蒐于田中。遭疾。御年譜、忠兵衛覺書、二十四日。至自蒐。御年譜、大坂日記、二月。台德公兼行到駿府。親侍湯藥。衣不解帶。大坂日記、二十二日未刻。天遽陰。雷電震動。暴風折屋。增補、德川記、三月十七日。朝廷使權大納言藤原兼勝。藤原實條至駿府。就拜宮爲太政大臣。御年譜、德川記、二十七日。力

疾具冠服拜。詔。御年譜、大坂日記、四月。宮自度不起。命卻醫藥。悉標嬪御婦女曰。若等勿復入焉。逸史、十四日。悉召列侯候問者。諭之曰。余旣旦暮之人已。然身幸致泰平。右府服太政。亦已有年。不復以身後爲念。但余歿之後。若右府失道。海內離心。則侯氏膺命者。其代執太政。天下非一人之天下。余胡憾於地下。今且就封。以俟後命。乃厚賜遣之。列侯皆稽顙嘔欬而罷。初列侯皆謂有如不諱。必拘留積年。不得輒就封。於是皆服其大度。御選、大坂日記、逸史、謂台德公曰。予已告諸侯。以興廢之道。汝其留心政事。善保國家。以建守成之業。

召大猷公。諄復以繼述之義。持滿之方。遂召尾駿水
三公子。曰。女等善事右府。唯命之從。又召其傅臣成
瀨正成。安藤直次。中山信吉。勗以傳導。言行錄。十七
日。宮薨於駿府城。御年譜。德川記。柳。歲七十五。御年譜。德
川。遺命窆于久能山。德川日記。御選。天使致吊。卹典
極隆。南龍公子賴宣就建廟。諡曰安國院殿德蓮社
崇譽道和大居士。德川傳記。元寬日記。初榊原照久承父職。護
久能。宮寵之。兼列誓御。及疾病。命益祿千石。謂之曰。
予當塋於久能。汝其掌祀事。卒枕其膝。以至絕。台德
公因令照久爲宗祝云。榊原家譜。逸史。是歲十月。改卜廟祧。

塋域于下野二荒山。實日光山也。德川傳記。逸史。元和二年
二月。日光山廟成。二十一日。詔賜廟號東照大權
現。御年譜。德川補任傳。三月九日。贈正一位。御年譜。德川記。十五
日。遷神靈於日光山。御年譜。大坂日記。四月。台德公詣日光。
國史實錄。逸史。八日。改葬于新塋。御年譜。御座記。十六日。遷主于
新廟。天使蒞事。新制祀典。儀文隆盛。四日而畢。御年譜。
御座記。寬永中。大猷公大修廟宇。窮極壯麗。宗藩巨
邦。各效華飾。海外諸國。或獻金石彝器。以銘鴻業。頌
太平云。逸史。正保二年十一月三日。詔賜宮號。皇代
德川記。正保三年四月。祭祀。朝廷遣使奉幣。立爲永

典皇代事。宮天縱英明。克武克文。夙齡居爭亂攘奪之世。未嘗有非理之舉。性寬仁敦厚。而器度宏遠。好涉經史。紬繹時務。齒愈高。而德日躋。其豐功偉烈。復出於古先良主之右。家國本末。人事鉅細。莫不通曉。諳練。雖燕間之談。卒遽之語。往往足垂訓于後昆。武德大坂記、逸。初拘于尾張。或彩籠閉小禽。名黑鴉。名據遺老物話以獻焉。巧作百鳥聲。辭而卻之。左右請其故。官曰。吾聞之。小巧者無大智。多藝者無逸技。此禽好倣他聲。必不能自鳴者。不足賞也。聞者吐舌。道濟記、逸史。迨在駿河。邦俗每歲端午日。作石戰戲。名菖蒲切。合觀者分黨。

助勢。官甫十歲。騎奴肩。觀之安西街。一隊百許人。對之者僅三十人。奴將赴。奴逸史作一隊三百人。官曰。寡者以勝矣。該就寡。奴曰。君未識。奴者勝矣。乃赴。奴。迨戰起。寡設伏。大破。奴多。官叩奴頭。顛曰。吾不謂乎。吾不謂乎。岩淵夜話、言行錄、甲陽軍鑑。
○逸史云。人爭赴。奴。官命奴就寡。奴異而問之。官曰。奴者恃勢。其心不一。寡者慎而專力。其得勝必矣。果如其言。今川義元聞之。嘆曰。將門出將。猶信。
○武德編年集成。作時宮十二歲云。
官幼時。逍遙大谷邑。獵。獸。舌鳥。入大祥寺。見鷄數十。

于寺庭。宮請得一鷄。住持答曰。君倘欲之。請盡數奉之。搔荒菜圃。每患之。難奈自有耳。宮曰。住持不食卯邪。後年在駿。召住持僧。賜食田褒焉。夜話言行錄嘗曰。世祿良法也。不特酌其先世功勳。賢之子不肖乎。不肖之子又或賢。即以一不肖棄之。則其子孫之賢又可惜矣。又曰。寵任失人。其害尤大矣。高師直驕侈。無怨於尊氏者亦畔。石治部姦回。無憾於太閤者咸離。古今同轍。又曰。人宜慎始。雖叛逆之徒。當初何必仇視其君乎。但侈汰敗度。禍殃將至。措身無地。故無所不至。皆由不慎始也。又曰。夫一心之理。貫通乎天地。天

地之道。歸宿乎一心。人之操心。可不慎哉。命之脩短。身之榮辱。國之興廢。世之治亂。又皆決于此。又曰。書云。德惟善政。政在養民。我終身誦之。又曰。政治之要在得人矣。患不知人。孔聖明規。然欲知之。必先祛我心之愛憎偏私。然後可矣。又曰。我聞之。無求備於一人。善夫。鷹隼冲天。鷓鴣沒水。各効其能。豈容相兼耶。又曰。君相協心。以子育萬姓。君如父。相似母。逸史又曰。文事譬如金銀。雖人望而知其貴。不如鉄之用多矣。如深嗜翫金銀。則却爲禍害之媒。語云。金屑雖貴。落眼翳。武事辟如鉄。耕穫炊烹。必資于此。人狃以爲常。

不識其爲大寶。鎮戰之器。鉄以爲重矣。如武夫亡道。則解其刀劍。帶扇也。澁家手錄、武野燭談又曰。天下辟如一屋舍。夫源平藤橘四氏也。三公及內府。乃四隅柱根也。諺稱透棟柱曰大將柱。寔如是。大將柱傾朽。則一屋不完矣。是故大將進止。最重任也。四老言行不正。則四隅亦不齊矣。萬民久塗炭。徒以荒暴掠畧爲武事。欺人自慢拒諫。遂不免自亡矣。世屬泰平。則文武相混。君臣易位。各遺其業。是亡國之兆也。故有元享知禮之字。今古其例不爲尠矣。迨余後世。莫登庸疎武者也。澁家手錄、武野燭談嘗欲導阿倍川水於駿府城中。以造園

池。吏檢量水路。建榜。官出狩。觀水路貫一小寺院境內。弗憚。左右曰。賜代地。則何不可之有。宮曰。爲余一人遊觀。遷在來佛地於他處。予酷弗善也。除寺地而通則爲焉。澁家手錄、言行錄又曰。爲人上者。亢而不下。則衆心阻隔。萬事壅塞。俯而就之。則羣親親附。百度亨通。逸史又嘗謂侍臣曰。爾曹欲保家安身乎。我有五字訣。七字訣。請問五字訣。曰。字惠遠美那。問七字訣。曰。美乃保止乎志禮。御遺訓、逸史又曰。余每以恩酌讐爲務。御遺訓、言行錄又曰。武將有三寶。農工商是也。以王法軍法加之。則天下治亂之洪基也。夫王法者。乃王者之業。而聖教

之道也。軍法則武將之業。而謂不遺治亂也。言行其疾革也。謂台德公曰。我歿則右府視天下。為如何。對曰。復且亂。曰。善哉。事大了矣。蓋謂亂者有其治也。又謂大猷公曰。治天下之要。唯一字。曰慈。女宜銘心勿忘。盛。溢家手錄。其旨中倫。雋永有餘者。大率此類也。宮有十一公子。五公女。長信康。次秀康。次台德公。次忠吉。次信吉。次忠輝。各有傳。次松千代。慶長四年正月。天。次仙千代。甫七歲。平岩親吉養之。慶長七年二月。或作天。次義直。次賴宣。次賴房。亦皆有傳。長女適奧平信昌。次適池田輝政。次適淺野長晟。次松姬。慶長

三年。天。季市姬。約婚於伊達忠宗。慶長十五年。未嫁天。柳營譜。畧。三松傳。

位下。任侍從。兼武藏守。柳營譜十六年正月。叙正五位下。柳營譜十八年正月。如京師。豐臣年譜國史實錄。○冬。十五日。關白秀吉引見公於聚樂。并伊直政。內藤正成。酒井忠世。青山忠成從焉。秀吉曰。佳兒佳兒。携而入。命高臺夫人。盡更髻服。手授金銜刀。而出曰。予轉鄙樣。爲都樣。亞相必悅矣。因言二三子。亞相懇實。以其與相有姻。送兒擬質。余豈疑亞相邪。厚贈遣歸。實錄、豐臣家譜、二十五日。至自京師。御年譜、逸史、東照宮曰。我封域諸城。宜洒掃而待也。敬異之。後聞秀吉征相。僉服明察。御年譜、實錄、二月二十四日。初著鎧。一本、川譜、德、十二月

二十五日。叙從四位下。實錄、柳營譜、十九年十月。任右近衛權中將。實錄、逸史、○柳營譜、十一月八日。任參議。兼中將。守並如故。公卿補任、文祿元年八月。公如京師。吊秀吉喪。御年譜、落穗集、九月九日。任權中納言。叙從三位。補任、御年譜、十月六日。至自京師。逸史、御年譜、二年閏九月。如京師。一本、續、王代、三年二月十一日。辭權中納言。補任。四年五月。東照宮東還。留公于京師。密囑曰。關白之惡稔矣。難將作。女聞變。則當遣往。伏見。太閤倘及難。徑奔大坂。關白以甘辭來招。慎勿聽。實錄、言、七月五日。味爽。關白秀次使人來。戒公朝餐。土井利勝疑

有變。辭以公未興。使者去。大久保忠鄰令利勝擁公
奔伏見。從者僅十餘人。至伏見。有二道。或曰。若從大
道。則敵或適路。應從間道而往。利勝曰。不可也。不若
由大道。公曰。利勝言是也。敵如欲遮我。則不可選路。
設歷大道。遇禍。則無悔矣。逢難於間道。則猶貽辱耳。
使者復來促。忠鄰故留使者。而後見之曰。主公赴約
于伏見。今行已遠矣。秀次慙然。秀吉見公悅曰。有是
哉。源公之胤也。乃馳人來告變。言行錄。九月十七日。
公納淺井氏。秀吉養之。實為崇源藤夫人。御年譜。慶
長三年九月。公至自京師。實錄續王。先是忠鄰度太

閣秀吉薨有變。密獻已駕。發伏見。潛東還。宮深感忠
鄰之志。實錄。五年七月十九日。官命公出師。是日。發江
府。公兄秀康。弟忠吉。及蒲生秀行。榊原康政。森忠政。
本多正信。大久保忠隣。酒井忠次。真田信幸。仙石忠
俊。石川康長等從焉。御年譜。德川記。大三川志載。
松平忠明。菅沼忠政等。而不載。康政。忠政。忠次。信幸。忠俊。康長等。師總三萬七千五
百。次宇都宮。大三川志。八月。上國變至。二十四日。公發宇
都宮。而從山道西上。落穗集。大三川志。大久保忠鄰。忠佐。本
多正信。榊原康政。酒井忠利。忠勝。本多忠政。康重。牧
野康成。仙石忠俊。諏訪賴永。日根野吉明。石川康長

四十三

等從之。師都三萬八千七十餘人。家忠記、大川志。御子神
忠明。鎮目惟明。米津由政。爲掌旗司。日下部兵右衛
門成瀬正一。爲掌槍司。安民記。真田昌幸。及其子幸村
以上田畔。九月二日。公次小諸。駐師。議終決。攻上田。
遣人招諭昌幸。使者再反。弗從。德川記、安民記。五日。公登染
屋臺。望伊勢碓塞。定隊伍。使真田信幸。及石川康長。
菅沼忠政等攻之。初昌幸使幸村守伊勢碓塞。於是
幸村見信幸旗幟。問計於昌幸。昌幸曰。信幸如來攻。
則女棄壁而走。信幸傳寨。幸村走去。信幸等轉攻砥
石寨。根津幸直不戰而去。公入次伊勢碓。又令高力

忠房壓丸子寨。令康長。吉明攻冠者嶺寨。守者池田
市右衛門善拒戰。康長等敗退。大成記、武德編年集成。麾下士
宿城下民舍。康政憂之。言於公曰。諸軍恃衆侮敵。昌
幸老兵。狙機必襲。願傳令諸部戒嚴。乃張燎布陣。昌
幸謂幸村曰。東師懈備。當夜襲。迨日暮。幸村將出。窺
知有備乃罷。大川志、落穗集。六日。公巡視城外。昌幸亦邏
廻。公曰。彼必昌幸矣。發輕兵阻撓之。依田信守率銃
手五十進縱射。昌幸徐回騎。與幸村議。堰神奈川上
流。覆兵於林藪。及虛空藏山。以俟師之至。東選基業。師輕
侮寡敵。將進取尼淵艾栗。初城兵根津長右衛門固

城北門。麾下士淺見藤兵衛。小栗治右衛門先登。治
右中銃斃。藤兵被疵。從者負肩而退。城兵山木清右
衛門。依田兵部上堤頭。指顧麾下士二三十人。進騎
與敵接槍。麾下迂久正。小野忠明或作御子進與清
右兵部戰。敵兵三十餘繼之。朝倉宣正。中山照守。戶
田重之。鎮目惟明。太田吉正。齋藤信吉等接槍。清右
等傷而退入城門。師繼薄門。城兵發銃雨注。不得乘
壁。而俟後隊。正信傳令收師。牧野康成又自中路進。
昌幸。幸村進騎。康成及忠成揮麾追躡。相距二町餘。
昌幸父子拍掌諷高砂曲。申樂曲名康政怒其傲誕。自先

驅。將截其歸路。渡邊重綱縱銃而前。昌幸父子不終
曲。而入城鎖門。康政。康成薄壁。大久保忠常亦繼之。
忠鄰及本多忠政兵涉神奈川而進。幸村出門奮戰。
會伏起。縱橫衝擊。師為辟易。幸村競擊。師殆破。昌幸
命決上流堰。河水急漲。後隊欲涉。水高猶豫。幸村戢
兵而去。武邊川聞書公怒師敗。曰。不俟命令。私傷敵。
罪不輕。宜正典刑。忠鄰。正信諫曰。敵雖寡單。昌幸老
兵。急欲屠之。則恐死傷多矣。不如令前部退嚴備焉。
大三川志落穗集。康政薦戶田一西。乃召問軍機。一西曰。昌
幸雖武多兵寡。置戍而西上。何憚之有。如欲無武。則



進諸部合圍。屠殄而西。又可也。淹師歷日。達東西接戰之期。恐大事去矣。公曰。善。乃更議。正信曰。太公召臣於江城曰。公年弱。恐強戰矣。是以考則合圍似不可矣。一西曰。往日置戍而西上。則不洩我武。今追兵刃既接。不克而去。恐似無武矣。大三川志云。一議不決。編年集成。信幸曰。貽書於昌幸。說歸順。卒弗聽。公恐逗留。歷日。遂決西上。森忠政以河中島。仙石忠俊以小諸。並備上田而西。唯史。公歷梶原役行者而西。康政特率一千餘兵。踰和田嶺。而抵諏訪會師。而西上。他日公賜感章。及祿邑於忠明。久正。照守。宣正。重之。

吉正。惟明七人。賞軍功。是稱上田七本槍。武邊唯公至。妻籠。聞關原之捷。晨夜兼行。二十一日。至大津行營。東照宮愠其愆期。弗及事于關原也。託病不見。公攬涕而出。康政。正信。忠鄰。忠利等從公者。皆執謁。宮令井伊直政辭焉。而直政傳命。且曰。世子逗留。不逮重事。諸君亦當分其責。皆畏憚。不答而退。時稱井伊本多。榊原爲三傑。直政威權最隆。而心右公子忠吉。酒井忠利不平之。特留謂直政曰。世子後期。自有曲折。大主不必深尤。今妄詬病。何不爲世子地。直政曰。我惜世子貽嗤天下。憤惋之深。不能不言。忠利勃然

變乎色曰。假令世子有過。而失驩於大主。百方調護。子之職爾。方今行營。颺言以乘其釁。獨何與。猶有餘言。吾意決矣。撫刀而進。在座驚救。乃罷。實錄、本多正純言於宮曰。臣之父正信。爲世子謀主。勸有事于上田。其愆期。職此之由。請加顯戮於正信。以暴世子无咎於天下。宮稍霽威。公喜謂正純曰。今日之言。沒世不緩。正純揚揚而出。濫家手錄、二十三日。宮召公見之。因曰。兵機如棊。輸贏之數。在全勢矣。一局既制。勝敵子錯峙。胡足介意。如今西上。事在濃尾。關原已取巨魁。雖有百真田。又且自降服。舍大圖細。非予所知。

也。女在上田日。無進此說者乎。對曰。唯有戶田一西論之甚審。實如尊算。乃召一西曰。秩卑者言又不行歟。我且使汝言易行。一西喜極。號泣而出。藩翰譜、二十四日。公入京師。十月十九日。如大坂。逸史、十一月十六日。公至伏見。十八日。入朝。御年譜、六年三月二十七日。御年譜、落穗集、詔轉權大納言。進從二位。公卿實錄、四月。至自京師。慶長記、七年正月六日。叙正二位。逸史、八年正月。公賜復書於呂宋國王。外蕃通書引、外蕃書信通聘。各載其終始。多省畧。但有非恒事者。殊截下。皆倣之。

十一月七日。兼任右近衛大將。右馬寮御監。公卿補任、御年譜、續覽、王代一覽、七月。至自京師。續覽、逸史、一十年三月。公如京師。用大將軍賴朝入朝儀。神原康政先驅。東道諸藩至。米澤秋田等。新附侯伯。皆扈從。輿馬弓戟。絡繹不絕者。十有七日。沿路聚觀。皆稱贊。以爲昇平盛事。御年譜、實錄、四月十六日。朝廷使權大納言藤原兼勝。權中納言藤原光豐奉策命。就拜公征夷大將軍。遷內大臣。爲淳和葬學兩院別當。源氏長者。賜牛車兵仗隨身。大將御監如故。補任、御年譜、慶長記、列侯群臣任叙有差。一本續覽、王代二十六

日。公入朝。儀皆如東照宮時。而鹵簿加隆。東諸侯。及賀越藝薩侯。皆爲後乘。下令縱觀。實錄、一本續覽、五月十一日。公遣弟忠輝。如大坂。告策命。御年譜、逸史、六月四日。公至自京師。御年譜、續覽、寄附田三百石於五所社。舊章、當是時。本多正信。大久保忠鄰。酒井忠世。青山忠成。內藤清成。預聞大政。舊章錄、○或云、忠世七月。賦諸侯。重修伏見城。十一月。公狩于鴻巢。十二月二十六日。江府火。是歲。命金工光次。更造方金。逸史、先是南蠻傳淡婆姑種。淡婆姑、從和事始、引、民喜殖之長、碓櫻塔。徙種子山城。花山。及大和吉野。丹波等。初未

知用烟管。抄紙或用葭細小竹。盛蒿咽之。頃間烟管製造。稍徧天下。公憎其亡益也。下令禁之。逸史。翁草。和事始。作元和元年六月。是歲宗義智携僧松雲。韓人孫文或。至伏見。拜謁東照宮。本多正信受命修和議。舊章錄。殊號事。十一年正月。關東奉行內藤清成。青山忠成坐事罷。安藤重信代之。逸史。命終修拓江府城。賦役於池田輝政。福島正則。加藤清正。黑田長政。細川忠興。淺野幸長等。西道十五侯。令藤堂高虎督事。實錄。逸史。十九日。尾張人朝岡平兵衛。試射於京師得長壽院後廡。通箭五十一。爾後射家者流。相承爭功力。卒以堂廡爲

弓矢場科云。逸史。二月。伊達正宗享東照宮于其邸。又享公。從此屢遊燕諸邸第。以罄歡。巨藩益親附焉。御年譜。逸初列侯從府城役者。以二月會江府。高虎經基址。制曲面。遂與羣藩。漕鉅木。輓大石。分功程。戒期日。晨夜併手。九月畢功。御年譜。續王代。一本。二十三。日。公徙焉。是月。公辭內大臣。兼右近衛大將。御監等。補任。續王代。十一月。命禁造永樂錢。初天文十九年。北條氏康下令。專用永樂錢。後以鏹錢四五。換永樂一錢。經久漸耗。民庶不便。物價不平。至是下令禁焉。泉誌。本續。王代。一十二年正月。新城駿府。賦繇於越前濃尾參遠

五州。尋發山東及五畿丹備諸侯役助之。四月。命會津仙臺米澤秋田等東陞十餘侯。造江府城天主樓。御年譜、朝鮮國王李昭遣呂祐吉慶邏丁好寬入貢。宗義智携之。五月。來東府。是月六日。引見三使。厚其犒賚。歸其俘數百口。二十日。三使至駿府。貢獻。以土木未畢。即日引見。遣之。公以外事圓備。褒義智。御年譜、外蕃通書引、是歲。始定伏見三年番。舊章、下命京師人光好。漕富士川舟路。自岩淵令通甲府。言行錄、十三年二月。佐渡金坑壞。都坑司大久保長安尋建議。更鑿於南部。採沙金及白金。又欲鑿於松前。島主蠣碯教

廣辭曰。地僻而不毛。唯仰隔海之穀。不足以待礦徒。乃止。舊章錄、寶貨通用事畧、八月。定延曆寺法令七條。御年譜、十日。公如駿府。賀新築也。言行錄、御年譜、朝廷賜使者慶以金帛。右府秀賴亦使人來賀。一本續王代覽、逸史、九月十八日。公至自駿府。御年譜、逸史、諸侯相繼至駿府賀焉。一本續王代覽、逸史、十四年正月。江府火。逸史、三月。先是東照宮命島津家久。伐琉球國。於是薩師入琉球。六旬而平之。琉球征伐記、逸史、五月。朝鮮王李瑄奉復書。外蕃通書引、九月。江府品川口。丘陵崎嶇。命關之。廣三十尋。行旅便之。逸史、是歲。諸侯任子畢至。命諸侯會同于江府者。踰

年而後歸。著爲令。逸史波爾杜瓦爾入貢。舊章錄明人
又來請互市。逸史公復錄宗義智功。聽其如朝鮮互市。
爲定其船額。後復命增其額。逸史先是我商船相繼至
阿媽港。東照宮命長谷川廣智。令致占城奇楠香。有
馬晴信傳聞之。以所蓄香木獻之。宮特賞之。曰。肥州
者當占城之衝路。遣人應求香木也。迺附與白金萬
五千兩。及甲冑屏風等於晴信。晴信又贈品物於船
主。使家人俱赴蠻。商船解纜以埃風。船長加比丹。長船
號真如虛。名商胥議曰。日本商船到我邦得利。每年
我儕到長碕求利難矣。不如殺彼人奪貨物。乃誘商

三百人。掩殺之。盡奪其載。逃歸者三人。報狀。而夷民
不知焉。是歲阿媽港商二百人來長碕。奉行長谷川
廣智以聞。官命鑿殄之。晴信請以二隊屠殲之。弗聽。
強而後發。逸史助藤廣。歸告廣智。乃以兵艦馳乘鳥
船。殺加比丹二人而進。夷縱佛郎機拒去。據高鋒浦。
晴信再發兵艦。使弟備中守赴。自乘輕舸指揮之。多
驅漁艘積薪。合圍鳥船。夷連發銃拒禦。晴信兵爲多
焚溺。時十二月十二日夜。兵士進縱火於鳥船。轉燔
帆。遂觸火藥櫃。海上震响。夷船並沉沒。阿媽港梟舟
以著瀝青。故世目曰鳥船云。晴信報捷。宮賞賜佩刀。

東遷基史、十五年二月。公如駿府。御年譜、閏二月。公至田中。而蒐于大久保山。次日蒐于藏王山。登臨。列卒衆多。曰。往日信玄出師于三方原。不如今日之衆矣。御年譜、實錄、○按言行錄云、本多忠勝自桑名來見、尋蒐于日留和山。于若見山。于多坪馬場等。累日大獲。續王代一覽、三月。公至自駿府。御年譜、其辭駿也。東照宮屬公子義直。賴宣。賴房。曰。我百歲之後。請善視之。公稽首曰。謹聽命。三家之威重。蓋由此。逸史、八月。島津家久以琉球王尙寧。至駿府及江府。獻方物。刀劍。泉比。紙子。緞子。羅紗。蕉布。大平布等。先之以白金各萬兩。御年譜、殊號事略、九月。赦降

王尙寧。使復其國。命家久。盡歸俘囚。御年譜、是歲。以土井利勝爲老中。一本續王代一覽、安永武鑑、初。足利氏時。與明通互市。交印契。以勘合焉。大內氏世掌之。天文季年。大內氏亡。失勘合。乘之以喪亂。互市遂絕。頃年。明商數至。東照宮乃命本多正純作書。託明商。與其福建官司。請依故事。復交勘合印。福建不報。而商舶至者弗絕。逸史、民間藝。薦草者。復寢多。縣吏禁而弗已。卒廣占良田。於是再下令。嚴其禁。逸史、○舊章錄係慶長十四年、○言行錄係十二年、七月。遣板倉重昌于京師。修築宮闕。四壁。御年譜、阿媽港。自知其罪也。是秋。其大人東曾訥

來謝請互市。公許之。召見賜朱章。史逸初京師人田中莊助上言。臣聞海東八九千里。有國曰新伊。斯把爾亞。多產黃白金。請一往試之。乃許之。九月。莊助還。獻五色羅紗葡萄酒等。因言其國甚饒。但夷人牢誠云。日本勿再來。如有復者。必殺矣。遂絕。言行錄史逸先是天正中。豐臣氏雖嚴禁天主教。而流傳之久。汚染甚深。文祿中。以外征多事。禁網頗弛。及天下新定。夷蠻互市大啓。則術士臻者滋多。說日張皇。於是蠻人耶楊子上變曰。西洋日至者。非特張其教。實包藏禍心。所圖在不測。公大駭。再嚴天主教禁。悉檢蠻種。屏之海

外。命南禪寺僧崇傳。喻天主教者。歸佛教。弗從者。處以長流。寘耶楊子于郭內。厚給終身。碓陽拾芥史逸復申薦禁。史逸十一月。東照宮狩于上野。公又從。實錄史逸十四日。公至自狩。御年譜史逸先是角倉貞順建言。鑿渠于京師。股引鴨川。以通伏見運。首漕大內木石。於是畢功。公私以爲便。言行錄史逸十二月。公命疏鑿江府諸港。以四海漕。史逸十五日。琉球使來。獻方物。御年譜是歲。土井利勝享公於私第。實錄以安藤重信爲老中。一本續安代一覽永武繼。臥亞入貢。舊章錄史逸至是。諸夷蠻種重譯來求互市者。二十餘國。明商船又益至。所在海津。奸闌不貲。

野史 卷五十六

乃下令禁外舶隨便泊。置權務於長碕。使奉行長谷川廣智鈐轄之。又使賈人庄三郎管其蠶絲。揣量諸貨貿易。務阜民財。逸史十七年三月。公如駿府。御年譜四月。至自駿府。六月。關府下斥鹵。為市塵。徙京師。大坂。界浦豪戶充之。逸史七月。暹羅國商船獻緞子。緋羅鮫皮等。因令問諸蠻夷之事條。九月。公賜復書於臥亞國刺史。外蕃通書命南都一乘院。定興福寺法式二條。御年譜閏十一月。公狩于鴻巢。逸史是歲。新伊斯把爾亞入貢。舊章錄漢人利亞始到平戶交貿。十年而止。碕陽拾芥○舊章錄十八年二月。先是天主

教益行。遣大久保忠鄰於京師。嚴制禁焉。舊章錄五月。安南大都統上書。獻奇南香。白絹等。外蕃通書是月。賜當山修驗道之師於三寶院。六月。定文臣法式五條。御年譜十月。公狩于鴻巢。東照宮狩于岩槻。九日。還江府。逸史十九年正月。禁錮大久保忠鄰。東照宮過小田原。毀其城。公又赴會。巡視而還江府。御年譜一本。二月四日。彗星出於東方。朝野藉藉以為弗祥。公夷然謂侍臣曰。客星在天。海外諸國必皆觀焉。不知何國當之。今遽指為我國之凶者何哉。且其定為凶兆。何所據。蓋懼者之陋耳。逸史二月八日。公進從一位。遷

五十四

五十六

右大臣御年譜補任高山友祥。內藤如安。加加山隼人等。以陷天主教。下京師獄。及逮係男女二百餘口。是月。遣山口雅朝。間宮伊治。如京師。與所司代板倉勝重。議斷其罪。放友祥。已下男女百餘人于西洋諸夷。配其餘于津輕。御年譜逸史四月。修拓府城。賦役西諸侯。御年譜舊錄五日。駿府漁者獲大魚。狗首龜甲。巨鱗斑腹。尾作三股。二十人扛之。六日。雨霰。寒如冬。衆益駭異。御年譜逸史初。公右府之拜。權大納言藤原兼勝爲天使。二十一日。還過駿府。諭中旨。令納公女備中宮。東照宮拜旨。逸史六月六日。妙法院梶井青蓮院諸門主。與

山徒議論台教于營中。御年譜七月。山口雅朝。間宮伊治。自京師往界浦。治耶蘇教。捕鞠姦黨。遂赴長碕。御年譜逸史九月。以府城粗鳩功。罷諸侯從役者。皆就國。潛備大坂。逸史十月二十三日。公作五軍。以發步騎總二十萬。伐大坂。御年譜大坂記十一月十日。公至伏見。御年譜大坂記於是四方群師。水陸相繼皆至。兵總五十萬。距大坂數里而陣。旌旆蔽空。囂塵四繞。不留寸地。逸史十五日。公次枚方。御年譜十七日。到平野。御年譜落穗集十二月六日。徙營于岡山。德川記波軍記難十二日。東照宮巡視。公又羅視。抵有馬豐氏陣。構井樓。城中望章旂。連

五十五

野史 卷五十六

發火箭。左右諫止。弗聽。水野勝成曰。夫巡視者廻諸隊。而非當一面者也。請巡視鷓野口矣。乃下抵鷓野。景勝臣直江兼續。見先驅之至。對城縱銃。公將踰大和川。本多正重後至。安藤重信以呼正重。而窺日脚。正重又望日色。謂曰。日已斜。乃還行營。大坂二十一日。和議事成。二十五日。織田有樂等。詣岡山拜成。秀事記。公下令曰。遠裔諸侯之師。量留役卒。各罷就國。逸史。公下令曰。遠裔諸侯之師。量留役卒。各罷就國。逸史。二十七日。役夫既隳羅城。堙空濠。遂及內隍。大野治長大愕。馳至見正純等曰。所約止於外郭。塹壘。何見迫之甚。成瀨正成對曰。我唯聞填周池之命。則凡

城下所周匝之隍池是已。未聞內外之別。且是右府公所以明無他志也。天下已平。何用濠塹之險。今欲存內隍。豈有意再舉乎。治長不能答。乃益發役夫。晨夜併手。以至次年。逸史。元和元年正月三日。東照官振旅發京師。大坂隍塹皆甚大。子城下尤深廣。沙土不給。公乃命毀西城子郭。及近傍樓櫓廨舍以填之。於是畢。所存唯牙城一隍而已。十九日。公凱旋于京師。悉罷諸藩之役。使安藤直次如岡崎報之。且密告大坂有再舉之謀。小幡景憲應大野治房招相見。而後間使往往不絕。屢咨再舉之策。景憲見板倉勝重。松

野史 卷五十六 五十六

平定勝詳告之。於是大坂事情畢露。故公以命直次。
云逸。二月四日。公朝參。二十八日。發京師。御年譜。大坂記。二
月。見東照宮于中泉而行。御年譜。逸史。十四日。宮還駿府。
公還江府。御年譜。一本。續王代。四月六日。公復伐大坂。令前
軍二隊先發。屯淀鳥羽。以俟後軍。逸史。十日。公出師。御年譜。
譜。大坂記。二十一日。至伏見。四方列侯相繼而至。御年譜。秀賴事。
記。五月五日。公發伏見。而抵須奈。御年譜。德川記。七日。東照
宮暨公敦陣整旅。至道明寺。公玄甲被鶴雉羽陣襦。
不胄而騎。馬號。櫻野。與左右二三十人。逸史。作十餘人。親巡列。黑
田長政。加藤嘉明。避嫌。以寡兵從師。遇公拜道傍。公

立馬掛之。二人進執羈曰。昨日歛延脚而出。不鑿殲
以爲遺念。今日悉殺武多武。而出。是自送死。公欣然
曰。無幾矣。讀曰遠。津豆計。而過。二人將從。公制止。特本多正
信從。胄而不甲。澁色衫衣。把澁團扇拂蠅。而坐筭輿。
而行。長政目送。嘆曰。公平時威重。而大事脫洒。嘉明
曰。是由太公之癖也。長政曰。佳癖。落穗集。大坂記。公進營于
岡山。丹羽長重。保科正光。成田氏宗。仙石忠俊等。備
左軍。井伊直孝。藤堂高虎。繼之。六隊長率部下爲前
驅。酒井忠世。土井利勝。本多正信。兵備其左邊。安藤
重信爲後拒。大成。大坂記。公使安藤重信候前部。歸報曰。既

與敵咫尺。請進大旂矣。迺遣朝比奈源六。請戰於宮。而公親揮金麾。前騎奮勵。敵御選大坂日記。前田利常為公先鋒。而未接戰。天王寺口已交戰。利常前隊山碕。閑齋等先進。城兵大野治房等。率眾連銃奮鬪。閑齋等敗退。公左隊高木正成等。為之沮。而支中軍。利常勵眾力戰。水野忠清。青山忠俊。松平定綱亦擊敵。死傷者多。大坂記、橫田覺書。敵勢頗張。利勝兵亦被敗。會煩火起。岡山路傍。眾驚駭。前部散亂。井上正就。植村家政等。十一二人。警衛左右。公親自制。弗聽。眾益亂走。公忿。手把槍。將入敵。安藤重信馳至扣鎧。命圍人抑轡。公

順目揚策擲重信兜鍪。大坂記、元寬日記。長政。嘉明亦來制止。眾稍定。松平正久請進章旗于沼陰。阿部正次等奮激力戰。勵眾擊敵。多摩下野。一色賴母等。死傷又多。元寬日記、落穂集。利勝。忠世。正純等。左右各奮戰。敵猶不撓。細川興元。及利常兵本多廣重。片桐且元等橫衝。治房等軍遂潰去。追尾數十町。回戰于稻荷祠前。二三回。終薄玉造東門口。橫田覺書。是日。丹波國人言。羣不逞。樹黨通大坂。將襲福智山城。乃命岡部宣勝。松平康重。赴鎮。使康重轉篠山。為龜山城主。東選基業。八日。城中火起。豐臣氏亡。德川記、逸史。九日。命諸將分守城門。封

尸於岡山。土人呼曰骨塚。媽而告成事。遂旋師於伏見。御年譜、駿府政事錄。十二日。命畿內諸國守護地頭。搜索大坂亡命者。是日。京極忠高。捕秀賴女子。政事錄。留安藤重信。及後藤光次。監後事。燼灰中獲遺金二萬八千六十枚。銀二萬四千枚。政事錄、逸史。列侯羣帥。捕斬諸亡命。獻馘凡六百餘級。若大野治房。明石守重。仙石宗也。亦皆不得免。而莫知其死所云。政事錄、御選大坂日記。十五日。長曾我部盛親。及佗重。囚七十二人。皆處斬。梟首于京師。德政事錄、川記。二十三日。斬秀賴庶子國松丸于六條磧。德政事錄、川記。六月十四日。命酒井忠世。土井利勝。移書於

畿甸侯伯。窮問大坂與黨妻孥。御選大坂日記。二十八日。下令重禁蕩草。和事始、翁草。閏六月二十一日。公朝參。御年譜、政事錄。是月。大論功行賞。政事錄、元寬日記。七月。論定朝廷制式十七條。及武家法令十三條。諸宗寺院條制等。御年譜、關難雜記。八月四日。公至自京師。御年譜、家忠日記。九月二十六日。論麾下將士功。增秩有差。御選大坂日記。十一月。命天下諸侯。量撤保郭塙壁。又置諸道巡察司。察邦治得失。民間利害。以三年一巡為率。十二月。大坂與黨重囚。皆伏誅。逸史。是歲。以酒井忠世為老中。一本續王代一覽、安永武鑑。二年正月。元會。命侯伯以下。隨爵位。具冠服。以改軍

卷五十六

容。御選大坂日二月。東照宮疾。公發江府。馳二日到。記、東武實錄駿府。御年譜省疾。衣不解帶。湯藥自嘗。宮曰。方今政事。亦不勞意。唯大坂軍旅未歷年。侯伯休暇。今將奈何。公攬淚曰。太公千歲之後。欲使群牧休憇三年。亦可矣哉。宮怡然曰。天下益泰平。乃賜命群侯。伊達正宗離次曰。當大樹治國之初。奚就封之為。未知他意。臣在府三年。請務役耳。衆皆同焉。明良洪範四月。公暨元子詣久能廟。一本續王覽五月。以青山忠俊。內藤清成。酒井忠利。為老中。一本續王覽。安永武鑑一六月。執政本多正信卒。本多家譜。一本續王覽八月。命長碕嚴禁耶蘇教。舊章錄是

月。賜朱章於交趾商船。曰。設令雖遭風浪之難災。著我邦域孰地。莫敢有犯矣。外蕃通書引令條賜朱章於漢人利亞。外蕃通書引日記是歲。頒駿府所積蓄寶貨器財。授公弟義直。賴宣。賴房。又納金銀于久能寶庫。御選大坂日記三年四月。公詣日光。御選大坂日記十七日。至自日光。一本續王覽是月。命改伏見三年番期為一年。舊章錄五月十三日。前田利常享公於其邸。御選大坂日記一七月。老中內藤清成卒。家譜六日。公如京師。御選大坂日記一覽。八月。朝鮮國王瑋使文吳允謙。朴梓秀。景稷入貢。外蕃通書續王覽。一九月。公至自京師。續王覽一覽。

野史 卷五十六 六十二

○翁草云。是歲。公朝京師。天皇詔曰。乃父終世
戰爭之際。未遑諭德誼。今也新治國之始。宜戢干
戈。施仁政。傳榮於無窮。以爲朝家之爪牙。公謹奉
旨終世。以爲龜鑑。當公在職。則列侯群臣。任叙封
建。皆決之京師。蓋以奉行詔旨之意矣。

是歲。以井上正就爲老中。四年四月。造東照宮祠於
紅葉山。春秋祭祀。十一月。公狩于越谷東金。十二月。
江府火。是月。藤堂高虎享公於其邸。五年三月。伊達
正宗享公於其邸。五月。公如京師。一本續王六月。明
浙直總兵官王某。使單鳳翔齎書。請以杜兩國之商

奸。鳳翔到京師。強請賜返簡。迨七年三月。東府建議。
上書悖禮妄誕。命卻之。所司代板倉勝重。奉行長谷
川廣智。追卻之。其船朽壞。命給船及糧食。放遣之。通書

引日八月。公至自京師。一本續王始定置大坂定番。
舊章九月。賜京師六條七條敷地於本願寺。水月名鑑十
一月。公狩于市川。一本續王六年三月。附下野田五

千石於日光山。水月名鑑四月。以酒井忠勝爲老中。十二
月。公狩于千葉。鴻巢。一本續王是歲。廢伏見城。一本營

譜七年正月。江府火。一本續王六月。老中安藤重信
卒。一本續王代。八月三日。山東諸國大風。一本續

卷五十六

覽、寬明是月。暹羅使到江府。獻國王來舞。烈摩倫摩
匹浮臘烈照果倫怕臘焉。陸間書。及方物。九月。引
見使者。賜復書及物。遣歸。外蕃通書引。日八年四月。
公詣日光。舊章錄。一本是月。執政本多正純有罪。處
流刑。一本。本續王代。一覽。本多家譜。五月。修營府城。公徙居于西城。十
一月。府城成。公暨元子移正殿。一本。續王是月。賜朱
章於荒木宗太郎。往來交趾國。外蕃通書引。荒木所藏。九年五
月。公如京師。舊章錄。一本。續王代。一覽。六月。上表辭職。一本。續王
七月二十七日。詔可。稱大御所。續王代。一覽。本譜畧。九月。
至自京師。續王代。一覽。十二月二十日。伊達正宗享公於

其邸。一本。續王寬永元年二月二日。公如參議賴房
館。一本。續王三月。先是伊斯把爾亞使者至薩摩。請
聘禮拜謁。以持天主教。諭卻焉。外蕃通書引。日記。四月十四
日。蒲生忠鄉享公於其邸。一本。續王是月。更經營西
城。一本。柳十一月十日。公徙西城。一本。續王二年正
月。先是安南清都王附託。贈長角藏呈書。又華郡公
托書於島田兵衛尉。是月。命酒井忠世。土井利勝。酒
井忠勝。復書賜物。外蕃通書引。日記。往來。二月五日。公如公子
忠長館。三月八日。如權中納言義直館。五月二十八
日。藤堂高虎享公於其邸。三年二月二十七日。如權

新 史 卷五十六 六十二

中納言賴宣館。五月。內藤政長享公於櫻田邸。續一本
代一覽、二十八日。公如京師。章一本續王代一覽、○舊
月十八日。拜太政大臣。屋代覺書記、十月。至自京師。王續
代一覽、一本。十年三月二日。如忠長館。五月三日。
如義直館。十四日。如賴房館。七月二十四日。如忠長
館。代一本續王頃年長碕奉行長谷川藤正。數往來東
蒲塞國宗室。外蕃通書、五年四月。公詣日光。舊章錄、一本
二十一日。至自日光。錄、章八年六月。公疾。代一本續王
九年正月。疾篤。大猷公日夜看護。尾紀水三家及諸
侯群臣。登營訪焉。代一本續王二十四日薨于西城。章

秘錄、柳營 歲五十四。舊章錄、續是夜。府下火起十三處。
宿直諸士帶甲警備。上下騷然。代一本續王二十六日。
葬于增上寺。舊章錄、一本二月二十日。勅謚台德
院殿。贈正一位。舊章錄、續公恭儉慈和。紳書天性至孝。
雖一事之微。必咨稟而後行。每東照宮出日。使近臣
問起居。或親往。所在供億。莫不豐備。其悉心用意。纖
細不遺。公寬厚謹慎。勵精乎政術。貴德遠色。尚節儉。
塞請謁。平素好學。崇尊儒教。旁喜和歌聯歌。又善書
法。至劍槍弓銃馬鷹諸技。莫不精窮。而謙冲不伐。虛
已待物。御下有恩。每聞戚族勳舊功臣之喪。雖當燕

遊笑樂之時。必變色改容。繼以涕泗。居恒敬畏天道。視宇下有日影。委曲避之。未嘗一踏。嘗戒出獵。嘗晨饌。金漏報期。不食而出。曰。予不以口腹負徒御。又好茗燕。恒入茶室。手親插花。或獻冬牡丹。觀賞頃之。斥去不插。曰。此花雖美而不時。非我可愛之物。逸史。君臣言行。公年壯。逗遛駁府六旬餘。東照宮遣侍女花子。齎菓慰勞焉。局阿茶受內旨。囑花子先告之。公盛服而待。花子來。密敲葦戶。公改容迎之。席上謹聞使命。拜覬親起。送出花子於戶外。宮聞狀曰。大樹清廉。予雖階梯猶不及。澁家手錄。雨夜燈。公恭謹日至。頃至知命。藤

堂高虎言曰。公齡至午慈。盍小舒散以逸豫爲事乎。曰。卿等老而求逸遊亦無害矣。予苟在台室。語曰。民具爾瞻。終身欲不違耳。問齋筆記。嘗曰。人多云。浮生如夢。寸前暝夜。宜逸豫乎眼前。甚非矣。是謂生涯無定。來日不可恃也。既是無定而不可恃乎。今日爲善。豈容有微怠哉。聞者嘆服。世稱守成之良。逸史。嘗有獻鯉魚者。公命席上割焉。蓋剖魚有法。庖人把薄刀。迨撫魚脊。魚躍轉辭俎。庖人揮箸刺魚眼。而業頗有興。左右稱輕捷。公不矚目。迨進斟羹。左右復賞揚。公曰。斯等瑣技不足賞也。賞罰設如車有兩輪。如賞此瑣技。則有

小疵亦不可不罰。故予不取。又有宿直士亂醉斫內
隍圍垣。命賜死。或曰。罰重矣。公曰。當宿直。醉狂不能
辨人物。罪不可赦。誕家小說。有一瞽者。模擬音聲。公
召令語平家。平家曲名。瞽者辭不能。公曰。無益耳。如雞鳴
狗吠。聞其真乃足矣。盛正記。一日。公將出。僧天海執謁。
公盛服佩印篋。進問曰。是何爲物乎。公粗察其意。對
曰。爲救群下也。天海曰。有侍醫。而後終世不用。槐記。有
四公子。長曰長丸。慶長七年九月夭。次大猷公。次忠
長。季正之。並有傳。五公女。長適本多忠利。次適前田
利常。次適公族忠直。次適京極忠高。次乃後水尾

皇天后東福門院是也。



野史卷五十六終

青政直
文庫

日
本
書
庫

野史卷五十六終

野史卷五十六終

